

Vc
4456



h.



134, 58.

V c
4456

[Faint, mostly illegible text in Gothic script, likely bleed-through from the reverse side of the page.]



Klag vnd Seufftzen

Des
Betrübten/ Beehängten/ vnd verderb-
ten lieben

Vaterlandes, ꝛc.

Anno

M, DC, XLII.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SALE)

[Faint, mostly illegible text in Gothic script, likely bleed-through from the reverse side of the page.]





Ach Weh/ach Jammer / ach Herkes
leid! Ach was hab ich / das Sachsenland/
samt den meinen vor böse/elende/trübseli-
ge Zeiten erlebet! Wie ist diese meine ihige
Zeit eine Zeit des Streits vnd Leids / eine
Zeit des Grimms vnd Frevels / eine Zeit
des Brennens vnd Raubens/ eine Zeit des
Wütens vnd Verwüstens / eine Zeit des
Bluts vnd Todes.

Ach! wie war ich vor weniger Zeit / vnd
nur noch vor zwölff Jahren / ein Begriffe
Menschlicher Nothdurfft; Ein Tempel des
Heyls vnd Gottesdiensts; Ein Pallast der Tugend vnd freyen Künste; Et-
ne Krone der Herrligkeit; Eine Mutter der Handlung; Ein Auffenthalt der
Vertriebenen; Eine Residenz der Wollfart; Vnd ein Ebenbild des Para-
dieses.

Wie war ich noch damals wol bewohnet an Einheimischen vnd Fremb-
den; Wol beadelt an Freyen vnd Rittern; Wol gezieret an Schlöffern vnd
Festungen; Wol gebawet an Städten vnd Höfen; Wol versorget an Zenge
vnd Proviant-Häusern; Wol gerüstet an Bolck vnd Munition; Wol berei-
chert an Bergwercken vnd Intraden; Wol bewahret an Freunden vnd Nach-
barn; Wol beschattet an Wäldern vnd Bäumen; Wol bestocket an Holz
vnd Wein; Wol gesegnet an Viehe vnd Früchten; Wol berühmt von Recht
vnd Gerechtigkeit/Ehr vnd Reputation/Macht vnd Reichthumb.

Der Himmel ließ über mich vnd die meinen seinen Thaw fallen; Die
Erde trug ihr Gewächse; Die Wasser ergossen sich mit Segen; Die Hügel
waren fruchtbar; Die Inwohner ruheten in Friede; vnd streuten sich die
Ausländische Kauff- vnd reisende Leute/wenn sie nur meine Grenzen / meine
damalige friedsame/meine sichere/meine gesunde/meine nutzbare Grenzen er-
reichten;

Damals war ich / als ein Schrecken der Völcker / lincerirt vor Fein-
den/umbgeben von Freunden/geliebt von Frembden, enteufert von Schmer-
zen/befreyet von Drangsal/vnd bemächtiget mit Ansehen; Da vermochte ich
neben meinen Herrn vnd Vater zwischen Potentaten Friede zu stifften/die
Vnrubigen zu beruhigen/die Beträngten zu retten/meine Kinder zu schützen/
vnd zu meiner besserer Verwahrung innerhalb wenig Monaten viel tausend
Mann auff die Beine zu brinaen/vnd ins breite Feld zu führen!

Aber

Aber leyder! Ach leyder! Nunmehr ist solches mehr denn da-
hin/nunmehr bin ich kommen in Regen der Trawrigkeit/ in Feind-
schafft/ in Nagel der Verwüstung/ ins Ungewitter des Jamers vnd Elends.

Nunmehr ist die Trüb vnd Drangsal mit allen ihren Gespielen vnd Spieße-
gseellen bey mir vnd den meinigen eingezogen; Alles Glück ist mir zu einem
Unglück worden: Ein Elend häufft sich mit dem andern; Eine Noth tritt der
andern nach/ es verirret vnd verwirret/ verringert vnd vermindert/ vermenget
vnd bedrängt sich bey mir / der Ehr. Sachsen/ alles!

Izt muß ich klagen vnd seuffzen / daß gleichsam alle bestien aus allen
Wildnüssen/vnd alle Peiniger aus allen Landen/mit Herkleid vnd Verderben
über mich vnd die meinen komen/vnd die Sicherheit meines Lebens/ die Sonne
vnd Wolne meiner Wolsahrt/ mit hinweg genommen / daß ich nunmehr
nichts zu gewarten / als Gramen vnd Trawren/ Gall vnd Wermuth/ Angst
vnd Schrecken!

Ach! wie viel tausend vnd aber tausend Kinder (an deren Seel der leidige
Krieg eine Gift/ am Leibe eine Plage/vnd an Gütern eine Verwüstung war)
habe ich binnen wenig wenig Jahren verlohren/ die in Weh gelebt/ in schmach
gefräncket / in Schmerzen gestorben / vnd mit der Vergessenheit begraben
worden? Wie seynd auch meiner übrigen Kinder Augen verbleichet/ Wan-
gen verzehret/ Leiber zerfleischet/vnd Glieder gelehmet; Wie haben sie zu Ge-
schwistern erlangt das Leid vnd die Trawrigkeit/vnd zu Nachbarn/ Verwü-
stung vnd wilde Sicherheit; Wie werden sie von fornen mit Krieg vnd Mord/
von hinten mit Elend vnd Noth/von aussen mit Raub vnd Brand/von innen
mit Herkleid vnd Verzweifelung beängstiget?

Nunmehr seynd viel viel meiner heiligen Städte durch das heillose Wesen
entheiliget; Meine Gottes-Aecker zerwühlet; Meine Geistlichen verarmet/
meine Schulen zerstöret/meine Gelehrten ausgehungert/ vnd do ich vor dessen
fast ganz Europam mit Schrift- vnd Recht gelehrten Leuten ohne meinen
Schaden versehen vnd versorgen konte/wil mirs nunmehr fast selbsten an ih-
nen ermangeln. In meinen Stifften ist gleich falls nichts / als Unheil / ge-
stifftet/vnd wegen des grausamen Würens vnd gestifteten Verwüstens fast
nicht ein Stiff an Beneficien, Præbenden, Vicarien vnd andern Intradem
darinn übrig blieben / zugeschwelgen / was noch vor Gefahr/vor Kriegs Ge-
fahr/vnd vor andere grosse Gefahr bey ihnen vnd ihren Nachkommen/wo an-
ders einige Nachkommen zu gewarten vnd leider zubesorgen.

So seynd auch meine Grafen durch den Krieg sehr gravirt, vnd ihrer
Gravität nicht wenig benommen; Meine Herrn sind beherrschet/vnd der

Herrschafften fast entblöset / Meine Freyen haben ihre Freyheit verlohren //
vnd seynd vor Angst wenig befreuet / viel meiner Edlen hat der Krieg zu Schla-
ven gemacht / Meine Ritter haben die Ränder beraubet / meine Nobiles seynd
durch Nebulones beängstiget / meine Vasallen ausgefasset / meine Einwoh-
ner verjaget / meine Obristen genedriget / meine Statthalter geschwächt / meine
Stolzen gedemüthiget / meine Reichen verarmet / meine Töchter geschändet /
meine Brüder getrennet / meine Trostlosen betrübet / meine Witwen be-äng-
stiget / meine Wäysen gekränckt / vnd meine Verschmähren verschmähret.

Hierüber ist nicht genug / daß in so viel Kreissen so viel Aempter / in so viel
Aemptern so viel hundert Dörffer / vnd in so viel hundert Dörffern so viel tau-
send Evangelischer Christen zu Grunde gerichtet:

Es ist nicht genug / daß so sehr die Schösser / so offft die Märkte / so gar
der Handel / so arg die Wildbahn / so weit die Wälder / vnd so offft die Berg- vnd
Handwerck / sampt dem Korn vnd Weinbau verderbet: Es ist nicht genug /
daß manch Haus / manch Dorff / manch Flecken / vnd manche Stadt / zehen /
zwanzig / vnd mehrmahl überfallen / durchsucht / ausgeplündert / geplaget /
geplacket / vnd gebrandschätet: Sondern do ist auch das verzehrenden
Frewer von dem Höchsten / als dem einigen verzehrenden Frewer / in seinem
Brunnen ausgegangen! Do seynd die bösen Dünste / vnd schädliche Dämpffe /
so aus dem Geistlichen Brunnen meiner Kinder Herzen kommen / vor
der Sonnen der Gerechtigkeit gen Himmel gezogen / vnd als sie daselbsten den
feyrtigen Zorn des grossen Vaters angezündet / auff meinem Kopff wieder
herab gestürzet worden: Do schawet nun das schöne Fruchtlein den Krieg /
ὡς λέμω oder ὡς λέωv λήμω wie er ist eine Pestis der Städte / eine Veröde-
rin meiner Flecken / eine Vorwüsterin meiner bewohnten.

Ach! wo seynd die Vorstädte vor Leipzig / Freyberg / Zwitckaw / Witten-
berg / Nammburg / Pirn / Dölitzsch / Herckberg / vnd viel andere? Wo seynd
die Gottes- Raths- Bürger- oder gemeiner Stadt- Häuser zu Adorff / Bel-
gern / Bausen / Bischoffswertha / Belzig / Colditz / Chemnitz / Dennstädt / Dip-
polditzwalda / Dahlen / Dieben / Dabina / Dommitzsch / Elterlein / Freyburg /
Frankenberg / Frauen-Prießnitz / Gommern / Gräfenhainichen / Grünhain /
Groitzsch / Hoyerstwert / Königstein / Kirchhain / Kindelbrück / Kem-
berg / Lancha / Lommitsch / Lützen / Lanchstedt / Leisnig / Lieben / Liebenwert / Lo-
chaw / Mücheln / Müwenda / Meissen / Muschen / Nitemeck / Newstadt / Ne-
bra / Dederan / Ordramt / Delsitz / Presssch / Plawen / Rösen / Rissa / Roiburg /
Roswein / Radeburg / Ranstadt / Rochlitz / Schkölen / Schlieben / Schwe-
witz

nitz/ Senftenberg/ Sebnitz/ Schölla/ Schneeberg/ Schleinitz/ Stolberg/
Strehlen/ Stolpen/ Schmeideberg/ Taucha/ Thomasbrück/ Weyßa/ Wunzen-
schopa/ vnd an vielen andern Orten/ Eiden vnd Plätzen mehr/ Inson-
derheit auch an Schlössern/ Rittersgütern/ Freyhäusern/ Förstereyen/ Forwera-
cken vnd dergleichen?

Bei diesen grossen Feuerbrünsten erkenne ich nun den feurigen Fort-
des entzündten grossen **GDZES**! Nun wetzet sichs aus/ was die viel-
fältigen Feuerstralen/ so über 30. Jahr von Mitternacht gegen mich geschos-
sen/ vnd sichtiglichen in der Luft über mich daher gerauschet/ bedeuten! Nun
leuchtet vnd scheint aus solchem Feuer meiner verbrannten Städte viel-
leicht genung/ wie treulich vnd eysertig bey dem Heiligen Römischen Reich
ich alles auffgesetzt: Nun liegt mir dargegen des ganzen Krieaschwalls List
vnd Last auffm Halse/ vnd ist noch vngewiß/ was vor grewliche Stürhen/ Wel-
len vnd Sturmwinde ferner über mich kommen werden: Ich kan auch noch
zur Zeit vor Leid nicht begreifen/ was gutes nun zu hoffen sey/ do meine Kro-
ne/ meines Vaters Schatz Kammer/ der Künste vnd Höfflichkeit Auffent-
halt/ vnd das Auge des fast verblendeten Teutschlandes/ nemlich mein beäng-
stigtes liebes Leipzig / mit Adel vnd Unadel/ Gelehrten vnd Ungelernten
nunmehr dahin? Denn weil Anno 1631. do es zum ersten mal übergieng/
eine blutige Schlacht vnd grausame giftige Pest: Anno 1632. als es zum
andern mal überfallen ward/ gleichfalls ein groß Blutveratessen vnd hefftig
Contagium: Vnd Anno 1633. do es zum dritten mal überrampelt/ wieder
eine starke Pest/ vnd sonsten hin vnd wieder vnermesslicher Schade sich bey
mir ereygete/ do es doch/ ausser dem Schloß / alle drey mal ohne einigem
Schosß vnd Schwertstreich in Güten / vnd zwar gar in kurzer geschwinde-
Eil wieder geräumet / vnd das feindliche Volck abgeführt ward: Was
wird nun/ do dergleichen schwerlichen geschicht/ von dem erbärmlichen Leip-
zig etwas zu hoffen seyn?

Derhalben werde ich nun durch dieses alles/ wiewol mit Ach vnd Weh /
gelehrer/ was mein vnd meiner Kinder voriges Wesen vnd Beginnen ver-
dienet / vnd was es vor Hertz i. bringe den Höchsten erjinnen/ Sünde mit
Sünde häuffen/ vnd **GD**ir damit zur Rache rüsten.

Denn wie meine Kinder vordessen vnd zum Theil noch ihr Hertz ge-
wendet zum argen ihre Seele zum bölen/ ihre Sinn auff Krieg / ihre Bedan-
cken auff Blut/ ihre Augen auff Wellen/ ihren Mund zum Fluchen/ ihre Oh-
ren zur Eitelkeit/ ihre Füße zum Bageluck/ ihr Vertrauen auff Menschlichem
Arm: Also muß nun ihr Hertz dargen ziern / ihre Seele sagen //

Auf

ihre

ihre Krafft beben / ihre Augen verdunckeln / ihr Gehör vergehen / ihre Füße gleiten / vnd ihr Eingeweid sich gleichsam ausschütten.

Ja / wie ich vnd die meinen den Herrn verunehrt : Also läffet er vns auch nunmehr zu schanden werden : Wir haben aus vnserm Christenthumb gleichsam nur ein Gespött getrieben / vnd werden nunmehr nicht wenig zu Spott : Wie wir nach Newrung vnd ausländischen Lüstern gewesen : Also ist nunmehr neue Angst mit den Ausländischen / vnd ausländische Almodo mit neuer Plag verhanden. Wie Fluchen vnd Schweren gemein ist : Also werden wir fast zum Fluch / vnd wie wir Sünd vnd Laster geseet : Also erndten wir izo Schand vnd Schaden / vnd müssen das schwere Vbel / das Kriegs-übel / das Raub- Vbel / das Mord- Vbel erfahren / auch fast Gut / Blut vnd Ruh darü- ber verlihren.

Nun muß ich mit Seuffzen sehen / vnd mit blutigen Thränen beseuffzen / daß Christen wider Christen / Kinder wider Eltern / Glaubensgenossen wider Evangelische / Brüder wider Geschwister / Blutsfreunde wider Verwandten / vnd Landes- Kinder wider Landes- Leute nochmals öffentlichen auffziehen / streiten vnd kämpffen : Das Blut / das thewre Blut / das Christen- Blut / das durch Christi Blut vnd Todt erlösete Blut / ümbs schnöde Geld / aus schnöder Rach / ümbs schnöder Ehr / vnd schnöden Gewinnst willen / offt wie Wasser ver- giessen : Mit meiner verarmten / verschmachten / ausgezogenen Kinderschweiß vnd Blut sich bereichern / an mir / als ihrer vielen Vaterland / wider der Na- tur / vnd Vöcker / Recht / freveln / alle schuldige Liebe hindan setzen / vnd offt ümb einen kleinen Gewinn das ewige Heyl / ümb betrüglische Ehr die selte Grewde / ümb schändliche Nachgier die ruhige Seligkeit / vnd ümb eitele Nich- tigkeit die heilige Ewigkeit verschercken vnd verspielen.

O der bösen / vnchristlichen / verkehrten / gewlichen Zeit : O der Zeit / dar- inn solche böse / vnchristliche / verkehrte / gewliche Leute leben / auch / O der Leu- te / die dergleichen böse / vnchristlich / verkehret vnd gewlich Wesen führen :

Ja / es ist auch zu Vermehrung meines Creuzes vnd Elendes nicht gnung / daß solches von denen / welche sich ümbs Geld gleichsam zur Bosheit ver- kaufft / verübt werde : Sondern / do lassen auch vngeschewet / leider / etliche vn- ter meinen eigenen Kindern / die der andern Vnglück bishero nur zusehen / in ihren Willen die Bosheit / in ihren Gedancken die Vnflätigkeit / vnd in ih- rem Thun vnd Beghinnen die Vppligkeit herrschen / Ach meine eigene Kinder thun zum theil meinē Vnfall verspotzē / mein Vnglück in Wind schlagen / mei- ne Last bejauchzen / bey meinen Seuffzen sauffen / bey meinem Hunger pras- sen / bey meinem Leid sich frewen / bey meinen Trawren jubilirn / bey meiner

Deo

Demuth stolzieren/bey meiner Armuth wuchern / vnd sonsten ein recht Epti-
curisch Sardanapaltisch leben führen/gleich als were das Unglück/darinn ich
doch für ihren Augen stecke/viel hundert Meilen von ihnen/vnd könte / dörfte
oder würde Sie nicht betreffen.

Ach/defwegen muß ich mich umb so viel desto mehr in meinem Beküm-
mernuß abseuffen / vnd mein Leben mit Thränen vnd Zittern hinbringen/
auch solcher Sicherheit/sichern Leitsinnigkeit/ vnd leichtsinntiger Gottseligkeit
halben/nach grössere Gefahr/gefährlicher Berderbens / verderblicher Un-
terganges mich besorgen.

Man solte hingegen vielmehr betrachten vnd beherzigen / wie meine Fein-
din in diesen meinen Unglück allenthalben das Glück vñ der Favor anlächelt;
wie ihr Rathen mit den Thaten/vnd die Thaten mit dem Rathen bey meinem
Drangsal sich erheben; wie ihr hie vnd da/ da vnd dort bey meiner Noth Vor-
schub geschicht; wie ihre Krone erhöhet/ihr Reich gemehret/ihr Volck gestär-
cket/ihre Waffnen mundiret,ihre Wägen gespannt/ihre Inraden erweitert/
ihr Anhang ergrössert/ihr Glück erneuert/vnd ihre Gewalt bemächtiget; wie
sie auch die Gemüther gewinne/die Starcken bezwinge/ die Wasser beschiffe/
die Länder bekriege/die Nahen bedränge/die Fernen belästige/vnd allen Vor-
rath hinweg führe; Wie Sie eine Meisterin in Pommern vnd an den See-
canten: Eine Besizerin des Rein. Weser. vnd Ober. Stroms: Vnd eine Be-
trängerin der Marck / Schlesien / Mähren vnd Thüringen sey; Ja: wie ich
selbsten von ihr berennet/bedrängt/gequälet/beängstiget vnd benachtheiliget
werde; Item/wie sie mit Franckreich/Hessen/Schwetz/Holland/ vnd vielen
andern Bekandten vnd Unbekandten mehr/ auff alle Mittel vnd Wege trach-
ten/ie länger/ie weiter/ie grösser umb sich zugreifen!

Solte nun dieses meinen mit mir verlassenen / mit mir erschöpfften / mit
mir bedrängten Kindern nicht zu Sinn vnd Herzen steigen / vnd sonderlichen
auch daher/oder aus dieser Ursach: Weil meine thige Gefahr erschrocklich;
meine Angst erbärmlich; meine Kriegs. Last vnermesslich; meine Noth über-
schwenglich; Die alten Anlagen vnerzwinglich; Die neuen vnerträglich;
Die Kassen mehrentheils ledig; Des Kriegs Ausgang mislich; Gottes Ge-
richt wunderlich; Seine straffe sich. tiglich; vñ menschlicher Arm gebrechlich?

Solte man mit sich nicht selbst Rechnung machen/vnd in Christlicher de-
votion beherzigen/das viel meiner Plätze entblösset/ viel meiner Städte ver-
derbet/ meine Kräfte geschwächet/ meine Pässe geöffnet/ meine Furthe er-
gründet/ mein Vorrath geraubet/ meine Inraden gestopffet/ vnd die meisten
meiner Kinder durch Harm vnd Kummer/ Feuer vnd Schwerdt/ Pest vnd
Marter/Schwermuth vnd Verzweiflung dahin gerissen? Sol-

Solte auch nicht wider obgedachte Gottlosigkeit / vnd sonsten / diß etw
mercklich Nachdenken verursachen / daß eben bey in vnd neben mir so viel
blutige Treffen geschehen / so viel Blutzetren sich ereignet / so viel Blut ver
gossen / vnd binnen so wenig Jahren in dem ewigen Leipzigerischen Kreis drey
blutige Haupt-Schlachten / vnd zwar die Erste eben wo die Letzte / vnd in der
Letzten / wie in der ersten vnd andern / die Victori erhalten / auch zu der Letzten:
aus Mähren / Schlesien vnd Lausitz / zu der Mittlern: aus Francken / Hessen
vnd Thüringen / zu der Ersten: aus Pommern / Sachsen vnd Brandenburg /
eben zu mir geeilet / vnd gleichsam communicato Consilio meine Wahlstatt
vnd Stelle zum Blutigwerden erkieset worden?

Freyllich / freyllich seynd solche blutige Treffen / blutige Schlachten / vnd
wiederholete grosse Blutsürstürungen / sampt den blutigen Bestürmungen / met
ner Städte / wol zu bedencken! Freyllich ist zu rüch zu sehen / daß ich / die ich oh
ne des vteiler Blutschulden schuldig / mit so viel Christen-Blut / mit so viel Kö
nig- vnd Fürstlichem Blut / mit so viel Gräse-Adel- vnd Ritterlichem Blut /
vnd dorunter mit so viel unschuldigem Blut bespicket vnd beladen; Freyllich
ist auch zu erwegen / wie man sich sonsten ins gemein bey diesem blutigen Krieg
mit Blut besudelt / nach Blut getrachtet / Blut vergossen / Blut verursacht /
offt Häuser mit Blut gebawet / sich an der Armen Schweiß vnd Blut ver
griffen / ihnen ihr Blut / vnd was ihnen Blutsauer worden / ausgepresset / vnd
offt ihrer blutigen Wunden / vnd blutigen Thränen wenig geachtet.

Wie schreyet das Blut eines einigen Gerechten zu Gott / wie suchet
alles unschuldige Blut umb Rache an / wie wird das Land verunreiniget
durchs Blut / wie eiffert der Allerhöchste umbs Blut / wie hoch hat Er das
Blut der Menschen geachtet / wie werth ist vor ihm der Christenblut?

Solten dann nun meine Kinder durch solch Blut / so Sie in vnd bey
mir vergossen sehen vnd vergossen wissen / nicht zu Mitleiden / zu Reu vnd
Buss / zur Furcht vnd Besserung betrogen / ihre blutrothe Sünde vnterlassen /
vnd alle Rathschläge / so auffs Blut gerichtet / Blut mit sich bringen / vnd ohne
Blut nichts wirken können / umb das Blut Christi vnd umb eines jeden ei
genen Bluts willen / wo müglich / eingestellt werden / damit ich nicht mit meh
rern Blut beblutet / mit größern Blutschulden überschüttet / vnd über die
Blutdürstige dermaleinsten in meinem Blut ewig Ach vnd Weh schreyen
dürffte?

Ach vor dessen hat man Abschied gehabt / wenn man eines einigen Mis
sethätters Blut anschawen sollen: Vordessen hat man die blutigen Gerichts
Städte an sonderliche Dertter gesetzt / damit erbare Weiber vnd zarte Kinder

vog

vor dem Blut nicht erschrecken dürfen: Die peynlichen Blut-Gericht werden auch noch ihiger Zeit geheget / damit kein unschuldig Blut verurtheilet werde: Aber ich / das arme blutige Vaterland / habe bißhero bey oberzehler Blutvergiessung gleichsam eine blutflüssige Matron / eine öffentliche Blut- und Schlachtbanc / und bey den blutgerigen eine blutige Mordgrube seyn müssen / und ist fast noch niemand gefunden worden / der solch Blutrecht bedencken / des Blutes sich entschlagen / und künfftige Blutvergiessung verhüten / oder zum wenigsten als ein Blut-schewender Pilatus seine Hände waschen wollen.

Ach / laßt euch doch / meine lieben Kinder / solch Blut sampt meinen Blutrießenden Wunden / wegen meiner Blutenden und ertödeten / meine fewrige Gestalt wegen meiner verbrandten / mein trawriges Beginnen wegen meiner verjagten und geplagten erweichen: Laßt euch allesampt zu Gott befehren / daß Er sich wieder zu uns kehre / laßt uns mit Kew und Leid vor ihm zittern und jagen / daß wir seiner Huld und Gnade / Frewd und Bonne / Hülff und Rettung theilhaftig werden.

Laßt uns dem Gott / der Hells und Leben / Blut und Todt in seinen Händen hat / in die ausgezuckte Ruthe fallen / und ihn / als den Gott der Gnaden / daß er vnser schoner / den Gott des Raths / daß er uns errette / den Gott der Macht / daß Er uns stercke / und den Gott der Liebe / daß er uns wieder erfreue / sampt und sonders bitten / stehen und anrufen / weil Er aller Menschen / und also auch meiner Feindin / Herk und Anschläge registret / und ehrmals gesagt: Wir solten ihn in der Noth anrufen / so wolte er uns retten: Nun ist ja meine und ewre / ewre und meine / meine und die gemeine Noth / und des Allerhöchsten Zusage vorhanden / derhalben sollen wir das böse durch Busse abschaffen / und mit vnsern bitten und stehen anhalten / So werden wir in Gott / mit Gott und durch Gott geheilet / getröstet / gerettet und gesichert seyn und bleiben.

Denn wie Er uns vorgeleget Segen und Fluch / und zwar den Segen / wenn wir gutes thun / den Fluch aber / wenn wir in Sünden fortfahren: Also stehets nun bey euch / ob ihr hinführo wollet gesegnet / und zwar gesegnet in der Stadt / gesegnet auffm Lande / gesegnet wider die Feinde / gesegnet in fürnehm / gesegnet in allen Wercken seyn: Oder ob ihr wollet verfluchet / und zwar verfluchet an den Früchten ewrer Leiber / verfluchet an den Früchten ewres Landes / verfluchet an den Früchten ewres Viehes / verfluchet in Unfall / Unrath und Unglück / verfluchet mit Luft / Laub / Staub / Blut und Todt / verfluchet mit Wahn sinn / und Rasen des Herzens / und verfluchet vor ewern Feinden und Freundin werden?

B

D beo

Bedencket in Zeiten/bey dieser erbärmlichen Zeit/was ihr erbt vnd
mir/mir vnd meinen Nachkommen zum besten erwählen wollet: Bedencket/
daß kein Verklager so thöricht/der sich nach ergangener Citation vngeschewet
et ferner vergriffe/kein Vbelthäter so vnbesonnen/daß er öffentlichen auff dem
Richtplatz sündigte/vnd kein Verurtheilter so verwegen/daß er vnter des Rich-
ters Händen/vnd vor dessen Augen frevelte: Ey warumb wollet ihr euch dan
nicht vor dem allgewaltigem gestrengen Richter / nach denen ergangenen
Straffen vnd real-Citationen nunmehr schewen/sondern an dem Ort / do
ihr allbereit gezüchtiget worden/vnd nochmals heimgesuchet werden sollet/in
ewerm Bawesen immer forsfahren / vnter seinem stinckenden ausaereckten
Nachschwert ferner freveln/vnd dermaleinsten an jenem grossen Gerichts-
Tage solches verwegenen / vnbesonnenen vnd thörichten Muthwillens hal-
ben/von Türcken vnd Heyden mit Grim vnd Grausamkeit verflucht werden.

Höret vielmehr vnd beherziget/daß die heiligen Engel (weil euch sonst
obige vnd dergleichen geistliche excitatoria bewußt vnd Ihr deren in ewerm
Gewissen überwiesen) den Menschen nichts köstlicher / als den Frieden/
zum Newen Jahr zu wünschlen gewußt / vnd daß Christus selbst die Friede-
fertige vor selige vnd G D E E S Kinder erkläret / auch daß der heilige
Zacharias aus G D E E S Angetrieb gesagt: Das ist / daß ihr ihm sol-
let: Schaffet Friede in ewren Thoren: Suchet Friede vnd jaget ihm nach/
habt allzeit ewer Lust am Friede.

Darumb lasset euch meine Noth zu Herzen gehen / oder zur Busß bewe-
gen/vnd seuffzet/ enffert/ dencket vnd trachtet nach dem edlen Frieden: Ach
fürchet umb ewer vnd ewerer Nachkommen Wolsahrt/ umb der zunehmenden
überaus grossen Gefahr umb ewres Frieden/Fürstens Gebot/vnd umb mein
als des Vaterlandes/erspreßigkeit willen/ den werthen Frieden!

Bedencket / warumb ich umb anderer Länder Wolsahrt willen gleich-
sam in meinem Blut ersticken vnd verderben / oder all das meinige zu vnd
auff die Spitze setzen / vnd dargegen weder Mus/noch Besserung davon ge-
warten soll: Bedencket solches lieben Kinder/vnd suchet Frieden/wie ihr wiß-
set/weil er ist von Lieblichkeit lustig/von Lustigkeit herrlich/von Herrlichkeit nüt-
lich/nöthig/selig vnd heilig?

Suchet Frieden vnd nehmet ihr an/wie ihr könnet / weil doch am Frie-
den mehr gelegen als am Recht/vnd die Rechte umb Friedens willen geord-
net / auch kein Recht ohne Fried etwas nütlich oder gültig / vnd meiner be-
trängten / abgebrandten vnd verschmachten Kinder Angst/ Noth vnd Tode
mehr umb Fried/als Recht/schreyet/bittet vnd seuffzet.

Ach

Ach / beliebet vnd acceptiret den Frieden / wie ihr möget / weil auch die Florentiner vor vnzweiffelich gehalten / daß kein Geld / keine Sorge / kein Thun besser angewendet werden möchte / als damit man im Land in Frieden sezen könnte: Erküffet ihn vnd helffet mir / wie ihr wisset / weil doch fast kein Segen noch Bedenken mehr im Krieg seyn wil / vnd mir dessen Bosheit Bitterkeit / Unbeständigkeit / Gefährlichkeit / vnd Grausamkeit unerträglich / so scheinbarlichen auch dessen Ursachen vnd Mittel leuchten mögen.

Bittet derowegen ümb Frieden. O ihr geistlichen Boten des Friedens / vnd suchet ferner Frieden / wie die lieben Alten gethan / durch extra-ordinar-Beistunden / vnd andere heilsame Mittel / damit ihr in Frieden meine Kirchen versorgen / dem Gott des Friedens in Frieden dienen / dem Teuffel / als dem Störenfried / in Frieden Widerstand leisten / meine Kinder zur Friedfertigkeit oder Gottes Kindschaft in Frieden anmahnen / was in dem heillosen Krieg rucklos worden / in Frieden verbessern / vnd das heilige Band der Liebe vnd Einigkeit / in Frieden erhalten möget.

O Kinder ins gemein / laffet euch die ruderer meiner oberzehnten Sächsischen Städte / derer etliche siebenzig seyn / wie auch anderer vielen abgebrandten Plätze / die stellen meiner so viel hundert verderbten Dörffer / die Dörffer meiner so viel tausend verschmachten Besizer / vnd die gewesenen Besizer meiner so viel hundert tausend verwilderten Aecker / ewre Augen vnd den Verstand auffthun / vnd als helle Fackeln weisen / was ihr anfahen / wie ihr allesampt nach den köstlichen Frieden / dessen ihr so wenig / als Feuer / Luft / Erd vnd Wasser enrathen möget / embsig trachten / iedoch aber / (wie ichs alenthalben gemeynet haben wil) gebührlichen trachten / vnd meine übrige wenige Kinder nicht vollends dem Schwerdt / Feuer vnd Raub übergeben / noch aus dem kurzen Leben ein immerwährend Sterben machen / sondern vielmehr dem Vbel / der Zeit / der Noth / der Gewalt vnd der Gefahr weichen sollet:

Ste lehren mit ihrem augenscheinlichen Exempel / weil sie vnd viel vnzählich andere mehr vor Gewalt verschmachtet / vor Kummer vergangen / vor Angst verdorben / vnd durch Grausamkeit bey diesem Krieg verwüstet worden: Daß man sich an ihrem Schaden vnd Unglück spiegeln / vnd dergleichen schreckliche Unfälle vnd fernere grausame Spectacul, so viel immer möglich / verhüten solle:

Ste suchen daher an ümb Freyd / die ein Gefangener hat / wenn er ledig wird / ümb Ruhe / die ein Schiffmann bekommt / wenn er den Port erreicht /

vnd bitten/ihr wollet vom Enffer vnd Ungewitter des vniersätlichen Krieges
ablassen/vnd ihre oder ewere Kinder vnd Nachkommen nicht vollends aller
Liebs- vnd Lebens-Mittel entblößen/oder gleichsam durch den fewrigen Krieg
dem Moloch auffopffern.

Ach sey derhalben umb meiner Wolfahrt willen Friderici, Codri vnd
Curtii, vnd bedencket / daß ihr nechst Gott mir / als ewerm Vaterland/am
meisten vnd höchsten verpflichtet seyd: Item/daß ich ewre vnd ewrer Vorsah-
red erste Mutter/vnd bißhero gleichsam ewer ander Gott vnd geerewe Erhal-
terin gewesen/vnd daß ihr nichts liebers/nichts würdigers/nichts heiligers/
nichts Göttlichen haben noch achten sollet/ als mich.

Bedencket/wie Plato, Cicero, Seneca, vnd viel andere gelehret/ daß ihr
meine Wolfahrt ewerm Nutz/ewer Person/ewerm Ampt/ ewern Eltern / ew-
ern Kindern ewerm Leben/vnd allen andern Respect vorziehen sollet.

Wer nun gutes Gemüths vnd gutes Geblüts ist / der sinne / denck / rich-
te vnd trachte Tag vnd Nacht/wie er meine Wolfahrt mit Gebet/ Bussē/ Lie-
be/ Treue vnd Friede erhalten helffe: Er sey bemühet wie Esra vnd Nehe-
mia/ mich bey dieser gefährlichen Beträgniß wieder zu Recht zu bringen:
Er sey ein Maccabæus vnd Gordianus, die rühmlichen geachtet / des Vater-
landes Wolfahrt dem Leben vorzuziehen.

Denn Alphonus rufft noch iso gleichsam jedem zu: Pro Lege & Gre-
ge; Hadrianus sagt einem teden: Non Tibi, sed populo; vnd lehret Cice-
ro abermals: Es habe die Vernunft dem verständigen Menschen / die Noth
den barbarischen Leuten/das Herkommen allen Völkern/vnd die Natur den
wilden Thieren eingepflantet/ daß sie ihr Vaterland rettetten / aus den Ban-
den vnd Fesseln / wie sie könten/sich loß machten / vnd die Gewalt / wie sie
möchten/von sich vnd den andern abwendeten.

Es bleibt noch heute zu Tage bey allen Heyden/ Türcken/ Jüden vnd
Christen diß allgemeine Recht vnstreitig: Salus populi, suprema Lex esto,
daher ist zuschließen/daß meine/als des Vaterlandes Wolfahrt/vor die höch-
ste Pflicht/daß vornehmste Gesetz/ vnd die gloriwürdigste Victori zu schätzen/
vnd vor allen andern in acht zu nehmen sey.

Zu dem Ende hat auch der allerhöchste Gott den Göttlichen hohen
Standt der Obrigkeit eingesehet / damit mein hochpreislicher Kautenstock/
darben Christus mit seinem Wort/der Adler mit seinen Flügeln/vnd das Land
mit seinen Inwohnern so lange Zeit gleichsam geruhet ferner in Flor erhal-
ten / vnd ich / als eine angeborne / anererbte / anvertraute / angenommene
erewe Tochter aus der Blut des quelens/ plagens/raubens/würgens/bren-

nen

nens; Mordens vnd Verherens/vermittelt Friedens/gerissen werden möge.
Denn ist lehret das heilsame Land vnd eusserste Noth-Recht / des Scipionis
vorgeben nach/mehr auff Erhaltung meiner Land, Kinder / als Dämpfung
meiner Feinde/getrachet / die empfangene grosse Wunden ohn ferner verle-
ken / zweischen vnd zerfeken getheilet/die vngewisse Hoffnung der Acciden-
tien beyse't gesezet / die Brände aus dem Feuer gerissen/das Seuffzen vnd
Winfeln der Armen erhöret/die Hohett der Obern erhalten / vnd nicht vol-
lends alles dem Schwerd zuverheeren / vnd dem Raube zuverzehren überge-
ben werden solle:

Rehret derhalben zu rücl/erbarmet euch meines Elendes/vnd beherkiget
ümb meiner meiner Wolsahrt willen/wie ohn Fried kein Segen / kein Glück/
kein Bedeyen sey/vnd Gott im Kriege nicht wenig seine Hand von vns abge-
zogen/auch bey den gerechtesten Waffen öftters Unglück verhenge / ümb vo-
riger Sünden/alter Missethaten/vnd vngedüßfeter Laster willen:

Erweget / meiner Wolsahrt wegen/wie meine Feindin mich gleichsam
mit meinem eigenen Schwerdt bekriege/den Krieg ie länger ie mehr / ie mehr
ie gefährlicher zu mir spiele/vnd wenn ihr gleich mit der Zeit alles abgenom-
würde/Sie dennoch von dem ihrigen wenig oder nichts darbey verliere!

Behet in euch/ümb meiner Wolsahrt willen/vnd sehet zu rücl/warumb
man alle meine übrige Plätze / durch immerwährenden Krieg in diesem kurze
währendem Leben dem wanckelmüthigem Glück vnterwerffen/vnd nicht viel-
mehr durch Buß bey Gott / vnd ordentliche Mittel bey Menschen/ ümb Gott
vnd der Menschen willen/Frieden suchen wolle/zumal/ weil sehr eifertig / kost-
bar / bemühsam vnd gewaltig der Krieg biß anhero getrieben/vnd gleichwol
wenig gewonnen/viel aber darbey verlohren worden!

Macht Rechnung ümb meiner Wolsahrt willen/ ob nicht/ wenn man das
vngheurige Zhter/den Kritea, ferner vnterhalte solte/ohn vnterlaß auff Volck/
Proviand/Rüstung/Geld/Munition/Quartier/vnd andere Nothwendigkei-
ten getrachet/oder ausländische vnd disciplinirte Völcker/die oft weder Gott
noch die Obern schäwen / zur Hülffe gebraucher / vnd also Angst mit Noth //
Noth mit Gefahr/Gefahr mit Unheil gehäuffet werden müste?

Ermesset Christlich vnd ümb meiner Wolsahrt willen / ob dannenhero mel-
ne trawrige Einöden vnd verderbte Brandstädte oder Steinhauffen den Frie-
den bloß von Feuer vnd Schwerdt / die Erquickung durch meinen Vnter-
gang/das Bedeyen von meinem Verderben/vnd die Rettung von Angst vnd
Verzweiffelung zu hoffen haben? Auch was die lieben verständigen Wolsah-
ren von dergleichen extremiteten gehalten? obs recht vnd verantwortlichen

gewesen/was bey Abrettung eilicher wichtigen Plätze in Ungarn vnd sonst
hin vnd wieder vor dessen Friedens halben vorgegangen? ob nicht damals die
Reputation der Wohlfahrt des Landes/dadurch si: erhalten wird/nachgesetzt
worden? Vnd ob nicht dasjenige/was noch vorhanden viel besser? in Gewis-
heit zu erhalten/auch das Verlohrne durch billiche gültiche Mittel wider zu su-
chen/als eines mit dem andern dem leidigen vngewissen/ verderblichen Aus-
gang des grimmigen freßenden Krieges blosser Dinge anheim zu stellen?

Helfet/helffet derhalben umb meiner vnd aller Wohlfahrt willen/nach
billichen Dingen zu Frieden! damit die betrübten wider getröstet/die Trost-
losen erfreuet/die Elenden erquicket/der Friedliebende Gott versöhnet/vnd
ferner Unheil abgewendet werde!

Hoffet in diesem Göttlichen Werck wider Menschliche Hoffnung/vnd
helfet die Gottesfurcht/die bey diesem unseltigen Wesen fast verschwunden/
durch Frieden wieder aufrichten/so dann wird Gott ferne uns erhalten.

Setzet allen niedrigen Respect (tedoch der Gebühr nach) hindan/vnd helfet
durch den längst verhofften Frieden widerumb ergänzen/was der längst ver-
fluchte Krieg verderbet/den alten Wohlstand wieder erbawen/den die Narbe
darnieder gerissen/damit meine Demuth den jenigen Frieden zum wenigsten
wieder erlange/der vor dessen Reichthumb vnd Ruh / durch Ruh Hoffart/
durch Hoffart Uneinigkeit/durch Uneinigkeit Krieg/durch Krieg Drang-
sal/durch Drangsal Demuth mit sich gebracht.

Erinnert euch umb meiner Wohlfahrt willen/darbey/das ich als ewer Va-
terland/ euch vnd die ewrigen nechst Gott so lange Zeit in Frieden ernehret/
vermehrret/bewehret/gelehret vnd geehret; Erinnert euch des Reichs des E-
vangelii/so ich in Friedenszeit angezündet; der Schulen/so ich in Frieden ge-
pflanzet; der Städte/so der Friede nebe mir gebessert; der Dörffer/so ich durch
Frieden erbawet; des Handels/den ich bey dem Fried erweitert; der Bergtheil/
die ich vermittelst Friedens gegeben; der Kriegs Heer/die ich umb Friedens
willen erhalten; der grossen Speesen/die ich mit dem Frieden getragen; Der
Länder/denen ich in Frieden genuset; vnd des Ruhes/den ihr in solchen allen
vnd sehr vielen andern mehr/als der Friede noch blühete/von mir gehabt.

Weil nun die Vögel ihre Nester/die Bestien ihre Gutthäter/vnd alle Ehle-
re ihre Hölen lieben: So werdet ihr ja auch deswegen aus Liebe/Ehre vnd
Danckbarkeit/vnd aus danckbarer Ehrliebender Schuldigkeit auff meine
Wohlfahrt/umb meiner Wohlfahrt auff Friede/vnd umb Friede willen auff ge-
bührliche zurechtliche Versöhnungs Mittel trachten/damit nicht durch sterswä-
rende Incurtion, Expilation, Ranzion, Contribution, Tribulation, vnd

der

dergleichen/vollend alles zu Grunde gerichtet / oder das Kennzeichen der
Christen/die Einigkeit/vnd die Eigenschaft der Christen/die Gedult/wö-
der alle Christliche Liebe/gänzlich hindan gesetzt werde.

Vielmehr ist vnstreitig/das auch die Liebe gegen Mich/als das Vater-
Land anererbet vnd angeboren sey/vnd das Band/damit ihr mir verbun-
den/auch von den aller barbarischen Henden vor vnaufflößlich geachtet
worden: Derhalben so verbindet euch solch Band meiner Wolfahrt mehr
zusehen auff's Hehl vnd gute/so mir der Fried/als auff's Vbel vnd böse/so
mir der Krieg: mehr auff Glück vnd Frewd/so mir der Fried / als Jamer
vnd Elend/so mir der Krieg: mehr auff Recht/auff Billigkeit / so mir der
Fried/als Schand vnd Laster/so mir der Krieg mit sich gebracht/vnd noch
niemals mit sich bringen möchte: Indem ohne deß auch der Krieg in vnd
vor sich selbst ein groß Vbel ist/vnd noch ein größer Vbel wird/wenn man
gefallen dran hat/auch vor das allergrößeste Vbel vnter allen Vbeln zu
achten ist/wenn er ohne auffhören fortgetrieben wird.

Ich zweiffle demnach nicht/Ihr werdet auff mich / als ewre bißherige
vnd künfftige einige sorgfältige Pflegerin/vnd die aus Treu vnd Pflicht
all das ihrige dargesehet / ewer Absehen mit haben/vnd zugleich auch die
Gedanken richten / vnter mich/auff meine betrenge/betrübte/genagte/
verzagte/geplagte vnd verderbte arme Kindere: auff die vorhandene au-
genscheinliche eufferste Noth/Angst vnd Gefahr/vnd dann auff Raub vnd
Fener/Pest vnd Hunger/Leid vnd Trawrigkeit / so mir in . mit . von vnd
durch den Krieg entsteht.

Ich befinde euch auch/ümh ewrer Pflicht vnd meiner Wolfahrt willen / zu
sehen schuldig/neben mich auff der Hochlöblichen Chur vnd Landes Erben
Hehl/Mug/Frommen/Respect, vnd gedenliches Auffnehmen / so vornehmli-
chen auff den Frieden beruhet/vnd durch den Frieden erweitert werden kan.

Am allermeisten aber send ihr zu sehen verpsticht über mich / vnd zwar
an einem Theil auff meines Höchstgeehrten Vaters vnd Oberherrns Hoheit
vnd Gravität/sampt deren Vermehr/oder Erhaltung/vnd das ich (wenn ich
nur aus dem Drang vnd Zwang ein wenig gerettet/vnd der Krieges . last be-
freyet würde) viel trewlicher/ergiebiger/nüßlicher vnd vorträglicher meine
Dienste vnd Schuldigkeit in der That erweisen köndte/vnd würde/als bißhe-
rol/der geschehen mögen: Anders Theils aber auff das Heilige Band/damit
Gott vnd Menschen verknüpffet/nemlichen/auff den besten Schatz vnd
das Edelste Kleinod mirner friedliebenden Religion/damit dieselbe durch den
Krieg nicht vollends ausgehungert/durch Hunger vnd Kummer vertrieben/
vnd

vnd mit andern vertriebenen des euserlichen Schutzes mit der Zeit entblößet/
oder neben Zucht/ Ehr/ Scham/ Treu/ Lieb/ Recht vnd Billigkeit zu Boden
geleget werde.

Ihr weret zwar wol auch vtellicht umb meiner Wolsart willen schuldig
zu sehen hinter mich: was vor dessen in Krieg vnd Fried meiner / als des Va-
terlandes wegen/ im Reich hin vnd wieder vorgangen; wie es andere in der-
gleichen Nothfall/ ihres Vaterlandes halben/ angefangen; was vnser Selig-
macher Luc. 14. v. 31. angedeutet: wie die Corinthier, Athenienser, Jüden/
Unirten, Böhmen vnd andere ihrem Vaterland wenig geholffen/ vnd es ü-
bel getroffen/ als sie den Frieden vor dessen ausgeschlagen/ vnd das bi. he-
rige grosse Unglücks Fälle vtellicht wegen Verzögerung des Friedens von
Gott verhänget worden: Item/ daß von Anfang der Welt her alle Kriege
endlichen/ vnd insonderheit/ wenn alles zu Grunde gekreget gewesen / offters
nicht ohne bösen Nachklang ihr Ende erkreget: Auch wie mirs vor ein zwey-
vnd drehundert Jahren ergangen/ da ich in damaligen Kriegen/ vnd sonder-
lichen wider die Hussiten, mit gekreget/ vñ mehr nichts/ als Zerrüttung/ Ver-
ödung/ Verachtung/ Zerstörung vnd Verwüstung erkreget: vnd dann daß
mir die Türcken vnd andere Reichs. Hülffe mit der Zeit wider den Erbfeind
vnd andere schwer fallen würde/ wenn mich nicht alleine die Kriegeslast ferner
drucken/ vnd hin vnd wieder stossen / sondern ich noch tieffer hinein gestossen/
vnd/ do Gott vor sey/ endlichen gar darnieder gestossen werden solte: Allein es
ist vnnöthig/ bey meinen izigen grossen Bekümmernuß mich ferner darumb zu
bekümmern / vnd euch mit meinen Lamentis, deren ihr vtellicht ohne desß
gern geübriget/ auffzuhalten.

Schliesse derhalben in meinem Wehe/ Jammer / vnd Herzleid mit dem frommen
David: Wol dem/ der sich des Dürfftigen annimmt/ den wird der H. Herr er-
retten zur bösen Zeie/ der H. Herr wird ihn bewahren / vnd bey dem Leben er-
halten/ vnd ihm lassen wol gehen auff Erden/ vnd nicht geben in seiner Fein-
de Willen.

Nun ich dann arm vnd dürfftig bin/ so thut doch durch gute billiche Friedens/ Gedanken Wolthas-
ten an mir/ weil ich mehr als zuviel / dürfftige bey mir habe / so nehmt euch meiner vnd ihrer ferner mit
Ernst vnd Eyfer/ Busß vnd Besserung trewlichen an/ vnd bemühet euch nur halb vnd aber halb/ auch nur
den zehenden Theil so sehr umb einen billigmässigen Frieden/ als etliche zwanzig Jahr her im Krieg ges-
schehen: So dann wird Gott als ein Liebhaber des Friedens/ vnd der euch vnd mich in Frieden erschaf-
fen/ in Frieden vor dessen erhalten/ zum Frieden geordnet / vnd den Frieden zu erwehthen vnd zuerliessen
vns frey gelassen hat/ vns seinen Frieden wider gönnen/ vnd den Strom der Versöhnlichkeit sich ergiessen
lassen/ auch meine Feindin durch seine Allmacht wol dahin zu lencken wissen/ daß sie neben meinen Freun-
den meine Buschuld bedencke/ des geistlichen Lugapffels schone/ der Armen Noth vnd Seuffzen ansehe/
das Christen-Blut hoch achte/ vnziemliche Begierden meide/ der Billigkeit war nehme / künfftige Rache
befürchte/ den Nachklang erwege/ vnd mein Weh/ Jammer vnd Herzleid beherzige.

F A X I T.

QK 7c 4456

blößet/
Boden
...
chuldig
s Ba
in der
Selig
yuden/
des u
bi, he
is von
Kriege
offiers
zwey
sonder
g/Ver
nn daß
erbfeind
ferner
stossen/
llein es
umb zu
hne des

frommen
Err er
ben er
er Sein

Wotthas
ferner mit
b/ auch nur
Krieg ges
en erschaf
zuerkiessen
h ergiessen
nen Freun
gen ansehe
tige Rache

Pou Vc 4456, QK

ULB Halle 3
004 787 862


V317





Herrschafften fast
 vnd seynd vor An
 ven gemacht/ Mei
 durch Nebulone
 ner verjaget/ mein
 Stolgen gedemüt
 meine Brüder ge
 stiget/ meine Wäy
 Hierüber ist ni
 Aemptern so viel h
 send Evangelischen
 Es ist nicht g
 der Handel/ so arg
 Handwerck/ samp
 daß manch Haus/ n
 zwangig/ vnd mehr
 geplacket / vnd g
 Frewer von dem H
 Grimm ausganzen
 so aus dem Heißt
 der Sonnen der G
 fewrigen Zorn des
 herab gestürzet wori
 wölck oder wol
 rin meiner Flecken/
 Ach! wo seynd
 berg/ Nammburg/ P
 die Gottes/ Raths
 gern/ Saugen/ Bisc
 poldiswalden/ Dahle
 Franckenberg/ Fran
 Groitzsch/ Noyers
 berg Saucha/ Kommit
 thaw/ Mitheln/ M
 bra. Dederan/ Ordra
 Roswein/ Radeburg

eyheit versohren/
 er Krieg zu Schla
 ne Nobiles seynd
 meine Einwoh
 schwächet/ meine
 hter geschändet/
 Witten b. äng
 verschmähet.
 mpter / in so viel
 ffern so viel tau
 Märkte / so gar
 ft die Berg vnd
 ist nicht gnung/
 e Stadt / zehen/
 dert / geplaget/
 s verzehrenden
 wer / in seinem
 liche Dämpffe/
 kommen / vor
 e daseibsten den
 a Kopff wieder
 ein den Krieg/
 / eine Veröder
 faw / Witten
 Wo seynd
 n Adorff/ Belo
 nnstadt/ Dip
 in/ Freyburg/
 / Grünhain/
 rüch / Kem
 ebenwert/ Lo
 ewstadt/ Ne
 ffa/ Rorbürg/
 n / Schwet
 witz

